

Bananas blauas u pli gugent flur-portg?

Spezialitads da glatsch grischunas il di da las portas avertas da la Ems-Chemie

■ (cp) Ils 15 da zercladur 2019 ha lieu il di da las portas avertas da la Ems-Chemie. Suenter il gir tras las ovras pon las numerusas visitas sa rinfrestgar cun specialitads grischunas fraidas: Ils glatschs da «Filisurer Glacés» e da «Glatzch Balnot» da dus manaschis da famiglia han success e na gustan betg mo als uffants. Las medias grischunas han visità ils dus producents e degustà ensemen cun la scheffa da la EMS Magdalena Martullo il vast sortiment da glatschs.

La Ems-Chemie avra ils 15 da zercladur 2019 las portas per pitschen e grond. Quel di na pon las visitadras ed ils visitaders betg mo dar in'egliada davos las culissas da las ovras da Domat, mabain era scuvrir delicatessas culinaricas da l'entir Grischun. La EMS ha laschè vegnir endament insatge tut spezial: «Gia l'ultim di da las portas avertas l'onni 2007 èn glatschs stads fitg dumandads, malgrà l'aura plitost frestga – e quai betg mo dals uffants», declera Martullo, scheffa da la Ems-Chemie. «Perquai purschain nus als uffants pitschens e gronds era quest onn puspè quest plaschair dulsch – cun in'extra purziun Grischun!» Purschids vegnan glatschs da dus manaschis grischuns da pionier: da Glatzch Balnot da Surava e dal bain Palé a Filisur. Tuts dus manaschis dattan pais ad ingredienzas regiunalas, auta qualitat, products certificads e sorts extraordinarias.

Produci localmain

ed onconuscent lunsch enturn

Holger Schmidt, sia partenaria Heike Schulze ed Andri Devonas èn ils trais proprietaris da la firma Glatzch Balnot. Schmidt, anteriur maister pasterner, producescha dapi il 2013 glatschs a Surava. Il latg biologic ch'el d'ovra per la produziun furnescha Devonas, il cumproprietari e manader d'in bain biologic local – en brentas tradiziunalas. La groma entira necessaria deriva da 16 purs da latg da Lai. Tuttas duas ingredienzas garanteschon uschia curts viadis da transport e



Ils proprietaris loschs da Glatzch Balnot introduceschan la scheffa da la EMS Magdalena Martullo en ils misteris da lur creaziuns da glatsch: Heike Schulze, Andri Devonas, Holger Schmidt ed Magdalena Martullo (da san).

MAD

creaziun da valur en la regiun. Glatzch Balnot fa adina puspè smirvegliar cun novas creaziuns extraordinarias: I na dat betg mo da cumprar glatschs da spargias, flurs-portg u anis, mabain era sorts senza lactosa e sorts veganas, glatschs da latg-nursa e sorbets spezialmain fritgus che consistan per 50 pertschient da fritgs. Ils glatschs da Glatzch Balnot èn fitg dumandads era sur ils cunfins chantunals or ed ins po retrair els schizunt en fatschentas, restaurants e hotels a Turitg e Basilea. Martullo è persvasa ch'i vegn a dar anc

dapli fans suenter il di da las portas avertas:

«Qualitat grischuna innovativa persvada!» Il producent Holger Schmidt cumplettescha cun in surrir: «Tar la sort «Caramella» èsi er ils zutgerins da groma dal Lækkerli-Huus a Basilea che persvadan.»

Power da dunnas e products excellents

Cun il latg da sias dusesch vatgas producescha il bain Palé a Filisur en l'atgna cha-

scharia numerus products, tranter auter er ils glatschs da «Filisurer Glacé» – e quai dapi ventg onns!

L'onni 2014 ha questa spezialitad grischuna schizunt survegni il label dal Parc Ela – in sigil da qualitat per products da la regiun. La stad chatt'ins il char da glatsch dal bain tranter auter sper il Lai Barnagn a Savognin u en il Parc Ela – ed ils 15 da zercladur sin la piazza da las ovras da Domat. Tgeninas da las 23 sorts che vegnan purschidas n'è anc betg decidì. «En mintga cas vegn ad esser en il sor-

timent il glatsch da bananas azur», di Nicole Heinrich che maina il manaschi da famiglia ensemen cun sia sora Gabi en la segunda generaziun. «Quel è il hit en spezial tar ils uffants.» E suenter avair degustà dat Martullo raschun: «Era mes uffants vegnan ad esser intgantads!» Las soras Heinrich sa concentreschan dal remiment sin ingredienzas localas: Las frajas vegnan da Panaduz, il mel da Claustra e las apricosas... da l'agen pumer!

Spezialitads da glatsch grischunas e la EMS – quai va bain ensemen!

Ils glatschs da las interpresas innovativas van a prà bain cun il concept d'alimentaziun dal di da las portas avertas da la Ems-Chemie. «Sco interpresa da tradiziun francada en la regiun sustegnain nus conscientamain products, furniturs e partenaris regiunalas», declera Martullo. I dat però anc ulteriuras parallelas: Glatzch Balnot sco er il bain Palé èn manaschis grischuns da pionier che van novas vias, sviluppant products innovativs, furneschan auta qualitat e salvan la creaziun da valur en il chantun. «Exact tuttina sco la EMS – nus ans legrain perquai gia oz sin noss grond di communabel!», è Martullo intgantada.

Di da las portas avertas en la Ems-Chemie sonda, ils 15 da zercladur

Suenter il grond success da l'onni 2007 avra la EMS quest onn puspè las portas per la gliud interessada. Vegni e guardai davos las culissas da la lavur quotidiana da la pli gronda patruna e scoladra d'emprendistas e d'emprendists en il Grischun ed As laschai entusiasmar per il mund fantastic dal material sintetic. Per divertiment per pitschen e grond procuran diversas atracziuns ed in program da tribuna captivant. I dat ina tenda da festa ed ina liongia e da baiver gratuit. Per il bainstar culinaric procuran era la fiera da purs grischuna ed ils stans da glatsch regiunalas.

Ulteriuras infurmaziuns: www.EMS-TagderoffenenTuer.ch u per e-mail ad info@emstagderoffenenTuer.ch